

Schwalba ond Roßmugga

Es stemmt, es isch dongel, es isch eher grabbenacht
aber i sag dr ois, des ändert sich, alles andere wär jo glacht.
es stemmt, es war scho besser, do hasch Du recht, mei Schatz
I vertrau do auf mei Eiebung ond auf onsern Lieblingsplatz

Du hasch recht, alle Mächt hän sich heit gega ons verschwora
doch was soll mr en dr Undrweld, do hämmer nämlich nix verlora
Sag mr doch an Grond warum mr net au gwenna ko
Guck naus es isch Sommer und d' Sonn fangt zum scheina o

Refr

Komm mir ganget zu onserm Plätzle und gugget der Hemmel a
Do hinterm alta Stauwehr, do flagget mir ons na
Vergesst alle Sorga, über ons d'Schwalba em Sonnenlicht
Ond i zähl statt Sorgafalta d' Roßmugga in deem Gsicht
Ond i zähl statt Sorgafalta d' Roßmugga in deem Gsicht

Glaub net den ganza bledsinn, den mr Dir ständig so verzählt
Woisch, mir send koine Marionedda, au wenn des manche gar net gfällt
bei ons isch vieles andersch, also bleib mr in der Ruh
So lang traget mir onser Päckle ond lachet no dazu

Refr

Komm mir ganget zu onserm Plätzle und gugget der Hemmel a
Do hinterm alta Stauwehr, do flagget mir ons na
Vergesst alle Sorga, über ons d'schwalba em Sonnenlicht

Ond i zähl statt Sorgafalta d' Roßmugga in deem Gsicht
Ond i zähl statt Sorgafalta d' Roßmugga in deem Gsicht

Komm mir ganget zu onserm Plätzle und gugget der Hemmel a
Do hinterm alta Stauwehr, do flagget mir ons na
Vergesst alle Sorga, über ons d'schwalba em Sonnenlicht

Ond i zähl statt Sorgafalta d' Roßmugga in deem Gsicht